



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CXLIV. Quod Officium Præpositi Gen. Congreg. Clericorum Regularium
Minorum in Domo S. Laurentii in Lucina de Urbe durare debeat in
perpetuum; cum facultate tamen Capitulo Generali eligendi alium si ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Contrariis
derogat.Transumptio-
rum fides.Dat. P. An. 9.
die 7. Aug.

CXLIV.

Edita An. D.
1663.Supplicatio
Capituli
Generalis.

lis locorum ordinariis, & eorum cuilibet per præfentes committimus, & mandamus quatenus ipsi, & eorum quilibet per se vel alium, seu alios, ubi, & quando opus fuerit, & quoties ipsorum aliquis, seu aliqui desuper fuerint requisiti, sive etiam ex officio procedentes easdem præfentes literas, & in eis contenta quæcumque solemniter publicantes, faciant auctoritate nostra ipsas præfentes literas, & in eis contenta hujusmodi ab illis ad quos spectat, & spectabit quovis modo in futurum in omnibus, & per omnia inviolabiliter, & inconcussè servari, & executioni demandari; Contradictores quoslibet, & rebelles per censuras Ecclesiasticas, aliaque opportuna juris, & facti remedia, omni appellatione remota compefcendo legitimifque super his habendis servatis processibus censuras, & poenas ipsas etiam iteratis vicibus aggravantibus, invocato etiam ad hoc, si opus fuerit, auxilio brachii sæcularis.

§. 8. Non obstantibus supradictis Clementis prædecessoris literis, ac rec. me. Bonifacii PP. VIII. prædecessoris pariter nostri de una, & Concilii generalis de duabus dietis, dummodo ultra tres dietas aliquis auctoritate præsentium in judicium non trahatur, aliisque Constitutionibus, & Ordinationibus Apostolicis, necnon quatenus opus sit præfatorum Ordinis, & Provinciarum, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & insertis habentes, illis aliis in suo robore permanentibus, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

§. 9. Volumus autem ut earumdem præsentium literarum transumptis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem profus fides in judicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris, die 7. Augusti 1663. Pontificatus Notri Anno nono.

Quod Officium Præpositi Gen. Congreg. Clericorum Regularium Minorum in Domo S. Laurentii in Lucina de Urbe durare debeat in perpetuum; cum facultate tamen Capitulo Generali eligendi alium si expedire videbitur.

ALEXANDER PAPA VII.

Ad futuram rei memoriam.

Nomine dilectorum filiorum Vocalium Capituli Generalis Congregationis Clericorum Regularium Minorum in Domo Regulari S. Laurentii in Lucina de Urbe congregatorum. Nobis nuper expositum fuit, quòd cum dicta Congregatio à fel. rec. Sixto Papa V. prædecessore nostro per quasdam suas ea super re expeditas literas instituta fuerit ea lege inter alia, ut ipsius Congregationis præpositus Generalis ad vitam durare deberet, sicut re ipsa prima electio præpositi generalis hujusmodi ad vitam facta fuit, subinde verò, mutato hoc instituto, terminus durationis præpositorum Generalium ejusdem Congregationis primum quidem ad Triennium, & postea ad sexennium præscriptus fuerit, & ab inde citrà observatum sit præfatum Congregationem continuis, talibusque vexatam fuisse dissensionibus, ut nisi eximia prudentia & vigilantia Venerabilis Fratris nostri Joannis Baptistæ Episcopi

Albanensis Sanctæ Romanæ Ecclesiæ Præbiteri Cardinalis Pallotti nuncupati, dictæ Congregationis apud Nos, & Sedem Apostolicam protectoris illis occurrisset, opportunaque remedia adhibuisset, Congregatio ipsa magnum discrimen aditura fuisse videatur.

§. 1. Ipsi Exponentes, præmissis maturè consideratis ad evellendam dissensionem hujusmodi radicem, unanimiter, & nemine discrepante, per vota secreta, decreverunt, præpositum Generalem dictæ Congregationis pro tempore eligendum non ad sexennium, sed in perpetuum, & ad vitam eligendi durare debere, ea tamen lege ut de cætero in omnibus, & per omnia serventur Constitutiones, & Ordinationes, ac decreta Capitulum Generalium, & integrum maneat Capitulum Generalis ipsius Congregationis in futurum in casu electionis faciendæ in eisdem Capitulis Generalibus præpositos Generales eligere etiam ad tempus si ipsis Capitulis Generalibus pro majori Dei gloria, ac servitio, & bono Religionis ita visum fuerit expedire, & aliis prout uberius continetur in ipsorum exponentium Decreto desuper emanato, & eorum manibus subscripto tenoris, qui sequitur videlicet.

§. 2. Sessio x. habita die 11. Maii 1663. circa durationem præpositi Generalis ab Eminentissimo, & Reverendissimo D. Cardinali Protectore, & Præfide. Post maturam, & multiplicatam ponderationem cum quatuor Patribus deputatis, & aliis ex gravioribus Patribus Capituli Generalis circa durationem præpositi Generalis, ut scilicet reducat ad durationem perpetuam, & ad vitam ejusdem præpositi Generalis juxta primum Institutum ejusdem Religionis à Venerabilibus Patribus Augustino Adorno, & Francisco Caracciolo Fundatoribus, ut piè credendum est Spiritu Sancto distante dispositum, & à Sancta Sede Apostolica, & à fel. rec. Sixto V. approbatum, & in Bulla erectionis specialiter expressum adductis gravissimis motivis, & rationibus, & exemplis ad rem facientibus, & auditis sententiis omnium Patrum in Capitulo Congregatorum propositum fuit per vota secreta resolvenda an in futurum præpositus Generalis pro tempore eligendus durare debeat non ad sexennium, sed in perpetuum, & ad vitam eligendorum, ea tamen lege ut de cætero in omnibus, & per omnia serventur Constitutiones, & Ordinationes, & Decreta Capitulum Generalium, & integrum remaneat Capitulum Generalis illos eligere etiam ad tempus si eisdem Capitulis Generalibus pro majori Dei gloria, & servitio, & bono Religionis ita visum fuerit expedire per secreta suffragia, & quatuor ex quinque partibus votorum concurrentibus, & insuper expressus accedat assensus, & approbatio Sanctissimi Domini Nostri, illiusque pro tempore successorum in perpetuum, & cum declaratione, quod in quocumque casu desitionis, seu cessationis præpositorum Generalium; ut supra eligendum extra tempus Capitulum Generalium; Generales præpositi extra Capitulum Generale ad præscriptum Constitutionum, seu Decretorum eligendi usque ad Capitulum Generale post dictam electionem proximè celebrandum tantum perdurent, reservato quatenus opus sit beneplacito Sanctissimi Domini Nostri nomine totius Capituli Generalis impetrandum, & à Procuratore Generali procuran. Et per vota secreta omnibus concurrentibus fuit resolutum affirmativè. J. B. Cardinalis Palottus Protector, & Præfès, Philippus Mascambrunus Cler. Min. Franciscus Meliori Cler. Min. Innocentius Lanzalonga Cler. Min. Ludovicus Revelo Cler. Min. Laurentius Bonafidanza Cl. Min. Clemens Gualterius Cler. Min. Franciscus Migliaacci Cler. Min. Petrus Ansalonius Cler. Min. Marius Calderinus Cl. Min. Tiberius Maria Almericus Cl. Min. Ludovicus Protospadarius. Cl. Min.

Motiva.

Decretum
Capituli
Generalis.

Jo.

Jo. Ximenes Cl. Min. Paulus Ayrolus Cl. Min. Lucas Ximenes de Los Cler. Min. Jacobus Pedicinus Cler. Min. Alфонsus Revelo Cl. Min. Paulus Ayrolus Cl. Min. Secretarius Capituli Generalis.

§. 3. Cum autem sicut eadem expositio sub-
jungebat, præfati exponentes Decretum hujus-
modi Apostolicæ confirmationis nostræ patroci-
nio communiti summopere desiderent. Nos fæ-
lici prosperoque dictæ Congregationis regimini,
& gubernio, quantum cum Domino possumus,
prosperare, ipsorumque exponentium votis fa-
vorabiliter annuere cupientes, & eorum singu-
lares personas à quibusvis excommunicationis,
suspensionis, & interdicti, aliisque Ecclesiasticis
sententiis, censuris, & pœnis, à jure, vel ab
homine quavis occasione, vel causa latis, si
quibus quomodolibet innotatæ existunt, ad effe-
ctum præsentium dumtaxat consequendum, ha-
rum serie absolventes, & absolutas fore censentes,
supplicationibus eorum nomine Nobis super
hoc humiliter porrectis inclinati.

Confirmat
prout in rub.

§. 4. Decretum præinsertum auctoritate Apo-
stolica tenore præsentium approbamus, & con-
firmamus, illique inviolabilis Apostolicæ firmi-
tatis robur adjuicimus, ac omnes, & singulos
juris, & facti defectus, si qui desuper quomo-
dolibet intervenerint supplemus, hac tamen le-
ge, ut casu quo servatis servandis, ut supra
præpositus Generalis ad tempus electus fuerit in
casu novæ electionis non possit denuò ad tem-
pus eligi, nisi iterum per vota secreta quatuor
ex quinque votorum partibus concurrentis, &
expressus assensus, & approbatio nostra, vel suc-
cessorum nostrorum in perpetuum accedat, &
hoc toties quoties casus electionis advenerit, a-
liquin præpositus Generalis ad vitam periret.

Decretum
irritans.

§. 5. Decernentes eadem præsentibus literas
semper firmas, validas, & efficaces existere, &
fore suosque plenarios, & integros effectus for-
turi, & obtinere, ac illis, ad quos spectat, &
pro tempore spectabit plenissime suffragari, &
ab illis respectivè inviolabiliter observari. Sic-
que in præmissis per quoscumque Judices Ordine-
rios, & Delegatos etiam Causarum Palatii Apo-
stolici Auditores judicari, & definiti debere,
ac irritum, & inane si secus super his à quo-
quam quavis auctoritate scienter, vel ignorant-
ter contigerit attentari.

Contrariis
derogat.

§. 6. Non obstantibus præmissis, ac Constitu-
tionibus, & Ordinationibus Apostolicis, necnon
dictæ Congregationis, etiam juramento, con-
firmatione Apostolica, vel quavis firmitate alia
roboratis statutis, & consuetudinibus, privile-
giis quoque, indultis, & literis Apostolicis in
contrarium præmissorum quomodolibet concessis,
confirmatis, & innovatis. Quibus omnibus, & sin-
gulis illorum tenores præsentibus pro plenè, &
sufficienter expressis, & insertis habentes, illis
aliàs in suo robore permansuris ad præmissorum
effectum hac vice dumtaxat specialiter, & ex-
pressè derogamus, cæterisque contrariis qui-
buscumque.

Transump-
torum fides.

§. 7. Volumus autem, ut earundem præsentium
literarum transumptis etiam impressis, manu alicu-
jus Notarii publici subscriptis, & sigillo personæ
in dignitate Ecclesiastica constitutæ munitis, ead-
em prorsus fides in judicio, & extra adhibea-
tur, quæ præsentibus ipsis adhiberetur, si fo-
rent exhibitæ, vel ostensæ.

Dat. P. An. 9.
die 22. Aug.

Datum Romæ apud S. Mariam Majorem, sub
Annulo Piscatoris, die 22. Augusti 1663. Pon-
tificatus Nostri Anno octavo.

Super Concordia facta inter Procuratores Gene-
rales Ordinis Sanctissimæ Trinitatis Redemp-
tionis Captivorum, & Ordinis B. MARIÆ
de Mercede.

CXLV.

ALEXANDER PAPA VII.

Ad futuram rei memoriam.

Manavit nuper à Congregatione Venerabi-
lium Fratrum Nostrorum Sanctæ Romanæ
Ecclesiæ Cardinalium Sacris Ritibus præposito-
rum Decretum tenoris, qui sequitur, videlicet,
Romana Ordinum Redemptionis Captivorum.

Edita An. D.
1663.

§. 1. Cum Fr. Franciscus de la Rosa Vicarius, &
Procurator Generalis Ordinis S. MARIÆ de
Mercede supplicem libellum Sanctissimo porrexisset,
quo se, suumque ordinem admodum læsos
conquereretur de assertionibus, quas dietim typis
ac viva voce, tum in concionibus, tum in publicis
disputationibus vulgari student Fratres Ordinis
Sanctissimæ Trinitatis Redemptionis Captivorum,
nempè, quod ipsis Fratribus de Mercede non ex
primævo eorum Ordinis instituto injunctum fue-
rit, sed ex voto mox iisdem accesserit Christi fideles
Captivos è manibus Barbarorum redimendi onus.

Decretum.

Sortibusq; olim commissum, firmatumque, ut idem
Ordo de Mercede Ordinis Sanctissimæ Trinitatis
tandem uniretur, quæ præsertim contineri asser-
bat in libello novissime impresso Romæ typis An-
geli Bernabo à Verme anno 1660. cui titulus est,
Vitæ Sanctorum Joannis de Matta, & fœlicis Val-
lois Fundatorum Ordinis Sanctissimæ Trinitatis;
Sanctitas Sua speciali ejus rescripto ob lites inter
Ecclesiasticas, & Regulares personas dirimendas
absque strepitu, & figura judicii, atque ad sedanda
scandala exinde orta, & oriunda; Potissimum vero
ad perpetuam inter Fratres prædictorum Ordinum
charitatem stabilendam, rei amicabiliter inter eos
consulendæ, & componendæ provinciam commi-
sit Reverendissimo D. Phœbeo tunc Sacræ Rituum
Congregationis à Secretis, qui accersitos, ac plures
seorim, & una simul auditos Procuratores Gene-
rales utriusque Ordinis, nempè præfatum Fratrem
Franciscum de la Rosa Mercedarium, & Fratrem
Joannem à Conceptione Excalcearum Sanctissimæ
Trinitatis pariter asserentem, quod Fratres Mer-
cedarii his prorsus non dissimilia vulgant de Fra-
tribus Sanctissimæ Trinitatis in eam tandem sen-
tentiam adduxit, ne sub pœna privationis vocis ac-
tivæ, & passivæ in perpetuum aliquis eorum au-
deat seù præsumat in posterum scriptis, aut viva
voce, tum in Concionibus, tum in publicis, & pri-
vatis disputationibus prædicta sub quovis prætex-
tu, vel quæsito colore prædicare, asserere, dispu-
tare, & affirmari facere, & curare; si quidem adver-
santur literis Summorum Pontificum, præsertim
verò Clementis Octavi incipien. Romana Catholica
Ecclesia, Dat. Kalen. Maii 1601. super Canoniza-
tione Sancti Raymundi de Penniafort §. 17. & 18.
ac respectivè literis Innocentii Tertii, aliorumque
Pontificum. Præterea libellum, de quo supra in no-
vis impressionibus à pag. 155. ad paginam 158.
omnino conformandum esse enunciata Constitu-
tione Clementis Octavi, ac sub iisdem pœnis denuò
non imprimi nisi ab eodem libello expunctis as-
sertionibus præfatis. Verum quia inter hæc præ-
fatus R. P. D. Phœbeus ad Præceptoriam Sancti
Spiritus in Saxia promotus fuit, & ipse Secretariæ
Congregationis Sacrorum Rituum additus sum.
Sanctissimus mihi per aliud subsequens rescrip-
tum mandavit, ut desuper prædictis omnibus,
ac singulis decretum ederem, ac idem in acta
Sacræ Congregationis referrem, sub expressis
pœnis, aliisque gravioribus arbitrio Sanctitatis
sue infligendis, executioni omnimode mandan-
dum, prout demandari mandat. die 2. Octobris